



Universitätsbibliothek Paderborn

**De Confessionibus Ritè ac fructuosè excipiendis Doctrinas
tam generales, quàm speciales ad varios Hominum Status
accomodatas complectens**

Lohner, Tobias

Dilingæ, 1679

§.3. de Scientia facti.

[urn:nbn:de:hbz:466:1-49251](#)

vel certè obligavit, quando non debuisset: aut si querendum hanc vel illam actionem cum damno alterius confessam licet exercere possit? affirmativè respondit: aut si ob peccatum aliter, quam merebatur, apprehensum, gravamen mis & indiscretam pænitentiam imposuisset; in quibus casibus sequentia observet. 1. Non inutiliter & inordinate negotiatur ob restitutionem à se loco Pænitentis faciendam, cum Suar. Vasq. Coninck. & plures alii doceant, non contraria Confessarium ullam obligationem restituendi, nisi male sit damnum tale procurasse. 2. Si potest monere Pænitentem & errorem corrigere, ubicunque potest, occasionem caper, etiam extra confessionem, secretò tamen monendi, cum charitas erga Pænitentem id jure ab ipso postulet. 3. Si neque hoc potest, certas preces, aliáve opera pro eo, qui damnum illius errore passus est, offerat, ut saltē eo, quo potest, modo procuratam à se jacturam recompensem.

Tertium genus est eorum errorum, qui ad solam instructionem Pænitentis pertinent, nec cum speciali illiusdam sunt conjuncti, exceptâ ipsâ erroneâ instructione, ut, si dicaret, matrimonium aut sponsalia valida esse, quæ non sunt valida: si liberaret aliquem à voto quo verè obligatur; in talibus ergo casibus ita se gerat. Et 1. si potest, per se doceat errorem, dicens, se rem melius considerasse, & hanc, quam modò proponit, doctrinam tutiorem sibi videri. 2. Si per se non poscit, videat saltē, an non per alium corrigere possit errorem, cùm hæc materia ad sigillū Sacramenti non pertineat, atque adeò sine scrupulo revelari possit, nū constet, Pænitentem aliter velle. 3. Si neque hoc modo error corrigi queat, ad preces, ut suprà dictum est, confugiat.

De Scientia facti.

Ad hanc propriè pertinet, ut Confessarius cognoscat, an quale peccatum, mortale scilicet, vel veniale, unum vel multiplex commiserit Pænitens; unde sequentia bene nosse debet. 1. Quænam peccata ex genere suo mortalem, vel veniale malitiam contineant. 2. Quæ circumstantiae aggravent peccatum, vel novam malitiae speciem superaddant. 3. Quæ circumstantiae ex mortali veniale, & vicissim ex veniali mortale faciant. 4. Quomodo cognosci possit numerica distinc-

atio peccatorum ; quæ quidem omnes quæstiones breviter
nunc resolventur ; nam fusior & accuratior explicatio ad
Theologos morales pertinet.

De peccato mortali in genere.

Qu. 1. *Quid sit peccatum mortale?* Rz. esse id, quod ob sui
gravitatem, gratiam & amicitiam cum DEO solvit, pñnam
que æternam meretur. Unde rectè concludunt Theologi,
Confessarium non facilè debere Pénitentem peccati morta-
lis damnare, maximè si eum timoratx alias conscientiæ esse
cognoverit, nam, ut Richardus à S. Victore p. 1. pag. 389. ait,
mortale peccatum est, quod non potest committi sine gravi
corruptione sui, sine gravi læsione Proximi, sine gravi con-
temptu DEI. Jacobus Alvarez p. 3. l. 1. c. 17. §. 5 ait: Con-
fessum in peccatum mortale esse tam impium, ut non possit
celari, & ignorari. Deinde si quis statim post factum dubiter,
an deliberaçè consenserit, vel facti statim peniteat, probabi-
liter judicari posse, eum non consensisse, cum tanta sit mali-
tia peccati mortalis, ut in recenti facile agnoscatur, nec so-
lat animus à DEO aversus tam subito ad eum converti.

Qu. 2. *Quænam peccata ex genere suo sint mortalia?* Rz. Ea
esse, quæ vel per se lèdunt charitatem DEI, vel Proximi, vel
nos ipsos graviter corrumpunt. Potissimum verò inter hæc
peccata numerantur illa, quæ contra virtutes Theologicas
aut contra Decalogum patruntur. Peccata quoque capitalia,
licet non omnia, quia non omnia DEVm aut Proximum : aut
nos ipsos graviter lèdunt, uti de superbia, avaritia, gula,
acedia communiter sentiunt Authores.

Qu. 3. *Quæ peccata mortalia specie differant?* Rz. ea potis-
simū, quæ vel diversis virtutibus, vel certè eidem virtuti
extremè opponuntur, vel quæ diversam difformitatem ha-
bent, id est, quæ adè diversa ratione & malitia ejusdem vir-
tutis materiam attingunt, ut, quantum est ex natura ejusdem
peccati, non sit eadem facilitas moraliter loquendo, neque
propensio utrumque peccatum comittendi, qualia sunt ho-
nicidium, furtum, adulterium, detractio, & similia.

Qu. 4. *Quæ circumstantiae ex mortali veniale faciant?* Rz.
tres potissimum. Prima est, defectus sufficientis ad vertentias.
Pro qua cognoscenda sequentia iudicia à nonnullis afferun-
tur.